

- B Benjaminak
- A Alebinak
- I Infantilak
- K Kadeteak
- M Mutilak
- N Neskak

# Futbola



## ARAUDIAREN EGOKITZAPENAK

### 8ko FUTBOLA


#### 1. JOKALEKUAREN ETA ATEEN NEURRIAK.

##### 1.1. Jokalekuaren forma eta neurriak.

Jokalekua laukizuzen erakoa da eta 50-65 metro luze eta 30-45 metro zabal da.

##### a) Oinarrizko seinaleak (1. irudia)

- Area handia.- Ateko marraren eta marra horrekiko perpendikularrean ateko zutoin bakoitzetik 9 metroko distantziara (benjamin eta alebin kategorietarako) eta 13 metroko distantziara (infantil eta kadete kategorietarako) markatutako marraren arteko azalera da. Zortzi metroko distantziara eta erdi-erdian, ondo ikusteko moduan, penalti puntua markatzen da; handik jaurtiko dituzte penaltiak benjaminetik eta alebinek, eta bederatzi metrotik, berriz, infantilek eta kadeteek. Penalti puntua erdigune gisa hartuta, penalti area bakoitzaren kanpoaldera sei metroko erradioa duen zirkunferentzia-arkua markatzen da.
- Jokoz kanpoko area.- Aurkariaren taldeko 12 metroko eremua benjamin eta alebin kategorietarako, eta 13 metrokoa infantil eta kadete kategorietarako.




- B Benjaminak
- A Alebinak
- I Infantilak
- K Kadeteak
- M Mutilak
- N Neskak

# Futbola



## ARAUDIAREN EGOKITZAPENAK



### 1.2. Ateen forma eta neurriak.

Ateko marra bakoitzaren erdian bi zutoin bertikalez osatutako atea kokatzen dira, zutoin horiek kornereko banderatzatetik distantzia berera egongo dira, eta elkarren artean 6 metroko tartea utziko dute (barrualdetik neurtuta); zutoinen goiko ertzak langa horizontal batez elkartuta egongo dira lurretik 2 metroko altueran.

Zeharkako langaren zabalera eta lodiera gehienez ere 12 zentimetrokoa izango da, eta langak nahiz zutoinek zabalera bera izango dute.

## 2. TALDEEN OSAERA. JOKALARIAK TXANDATZEA ETA ALDATZEA.

### 2.1. Taldeen osaera.

#### a) Jokalariak aktan.

Aktan talde bakoitzeko gehienez 12 jokalarik ager daitezke alebin kategoriaren kasuan (15 benjamin, infantil eta kadete kategorietan) eta gutxienez 6 jokalarik. Gutxieneko jokalarik kopurua osatzen ez den kasuan, galtzailatzat joko da jokalarik kopuru hori osatu ez duen taldea, nahiz eta partida joka litekeen.

#### b) Jokalekuko jokalariek.

Talde bakoitza 8 jokalariz osatuta egongo da eta horietako bat atezaina izango da.

Partidari hasiera emateko talde bakoitzeko 6 jokalarik egongo dira gutxienez.

### 2.2. Jokalariak txandatzea eta aldatzea

Benjamin eta alebin kategorian, aktan jasotako jokalarik bakoitzak lehenengo hiru zatietan gutxienez zati bat jokatu behar du eta gehienez ere bi. Lehenengo hiru zatietan zehar ezingo da aldaketarik egin, lesionatutako jokalariek ordeztzeko ez bada. Laugarren zatian taldeen osaera librea da eta entrenatzaileak nahi beste aldaketa egin ditzake. Infantil kategorian, aldiz, lehenengo bi zatietan jokalarik guztiek jokatu behar dute eta hirugarrenean nahi beste aldaketa egin daitezke. Kadeteen kasuan, jokalariek nahi beste eta inolako mugarik gabe txandatu eta aldatu daitezke, jokoa gelditu behar izan gabe.

#### Adibidea

Adibide gisa, arau hori betetzeko eredu bat ematen dugu, jokalariek zenbaki bana emanaz, hamaika jokalarik direla kontuan hartuta:

Lehenengo zatia: 10-2-3-4-5-6-7

Bigarren zatia: 1-2-3-4-8-9-10

Hirugarren zatia: 1-5-6-7-8-9-11

Laugarren zatia: (Aldaketa libreak)

a) Partidan zehar, taldeetako bat, edozein arrazoiengatik, baita aldi baterako kanporaketengatik ere, bost jokalarik baino gutxiagorekin gelditzen bada jokalekuan, arbitroak amaitutzat eman behar du partida eta emaitza 1-0 izango da zigortutako taldearen aurka.

b) Atezaina eta jokalariek arteko aldaketak ere egin daitezke, horrelakoetan:

- Aldaketa egin aurretik, horren berri emango zaio arbitroari.
- Ordezko jokalariek ezingo du jokalekuan sartu harik eta ordeztzen duen jokalaria handik atera arte. Jokalaria arbitroaren baimena jaso ondoren sartuko da jokalekuan.

## 3. PARTIDEN IRAUPENA.

### 3.1. Benjamin kategoria.

Partidak 20na minutuko 2 denbora izango ditu, eta bien artean 5 minutuko atsedena egingo da. Denbora bakoitzak 10na minutuko bi zati izango ditu eta bien artean bi minutu inguruko atsedena egingo da. Atsedena denbora horietan arbitroak egiten diren aldaketak kontrolatu behar ditu.

### 3.2. Alebin kategoria:

- B Benjaminak
- A Alebinak
- I Infantilak
- K Kadeteak
- M Mutilak
- N Neskak

# Futbola



## ARAUDIAREN EGOKITZAPENAK

Partidak 24na minutuko 2 denbora izango ditu, eta bien artean 5 minutuko atsedena egingo da. Denbora bakoitzak 12na minutuko bi zati izango ditu eta bien artean bi minutu inguruko atsedena egingo da. Atsedena denbora horietan arbitroak egiten diren aldaketak kontrolatu behar ditu.

### 3.3. Infantil kategoria

Mutileen kategorian partidak 3 denbora izango ditu, lehenengo biak 20na minutukoak eta azkena 30 minutukoa, denboren artean 15 minutuko atsedena egingo da. Nesken kategorian partidak 20na minutuko 3 denbora izango ditu eta denboren artean 15 minutuko atsedena egingo da.

### 3.4. Kadete kategoria

Mutileen kategorian partidak 40na minutuko 2 denbora izango ditu eta denboren artean 15 minutuko atsedena egingo da. Nesken kategorian partidak 35na minutuko 2 denbora izango ditu eta denboren artean 15 minutuko atsedena egingo da.

## 4. MATERIALA.

### 4.1. Baloia

**Infantil kategoria:** Nesketan 4 zk-ko baloia: 62-66 zentimetroko zirkunferentzia eta partida hasieran 340 eta 390 gramo arteko pisua duena. Mutiletan 5 zk-ko baloia: 68-70 zentimetroko zirkunferentzia eta partida hasieran 410 eta 450 gramo arteko pisua duena.

Partida jokatzeko ari den bitartean ezingo da baloirik aldatu arbitroaren baimenik gabe.

**Kadete kategoria:** 5 zk-ko baloia: 68-70 zentimetroko zirkunferentzia eta partida hasieran 410 eta 450 gramo arteko pisua.

**Benjamin eta alebin kategoria:** 4 zk-ko baloia: 62-66 zentimetroko zirkunferentzia eta partida hasieran 340 eta 390 gramo arteko pisua.

## 5. ARAU TEKNIKOAK.

### 5.1. Jokoz kanpo

a) Jokalaria *jokoz kanpoko posizioan* egongo da, aurkariaren taldeko 12 metroko eremuan (benjamin eta alebin kategoriak) edo 13 metroko eremuan (infantil eta kadete kategoriak) egonda, gutxienez aurkarietako bi baino gertuago badago ateko marrik. Baina jokoz kanpoko zigorra ezarriko zaio, baldin eta, arbitroaren iritziz, bere taldeko beste jokalaria batek baloia jokatzeko duen unean:

- Aurkari baten jokoa oztopatzen badu.
- Bere posizioari onura ateratzen saiatzen bada.

b) Arbitroak ez dio *jokoz kanpoko zigorra* ezarri behar jokalaria bati baldin eta:

- Posizio horretan egonda ere ez badu jokaldian parte hartzen.
- Baloia zuzenean ateko saketik, kornurretik, alboko saketik edo bote neutraletik jasotzen badu.

c) Jokoz kanpoko arau-haustea jaurtiketa libre ez-zuzen batekin zigortuko da eta falta egin den lekutik jaurtiketa beste taldeak, baldin eta arau-haustea ez bada area txikiaren barruan egin. Horrela bada, jaurtiketa libre area txiki edozein lekutatik egin daiteke.

### 5.2. Faltak.

Arbitroak falta adieraziko du jokalaria batek aurkariaren edo baloiaren aurrean zehurtzirik gabe, modu arriskutsuan edo gehiegizko indarrez jokatzeko duenean.

Faltak modu honetan adieraziko dira:

a) *Jaurtiketa libre zuzen batekin zigortuko diren faltak. Jaurtiketa falta egin den lekutik egingo du beste taldeak, baldin eta falta ez bada aurkariaren area txikiaren barruan egin.* Horrela bada, jaurtiketa libre area horretako edozein lekutatik egingo da:

- Aurkari bati ostiko ematea edo ematen saiatzea.
- Aurkariari zangozaba egitea eta baloia ukitu aurretik aurkariari ukitzea.
- Aurkariaren gainetik jauzi egitea.
- Aurkariari gorputzez bultzatzea.
- Aurkariari jotzea edo jotzen saiatzea.
- Bultzatzea.

B Benjaminak  
A Alebinak  
I Infantilak  
K Kadeteak

# Futbola



M Mutilak  
N Neskak

## ARAUDIAREN EGOKITZAPENAK

- Eustea edo txistua botatzea.
- Baloia nahita eskuekin edo besoekin ukitzea, jotzea edo bultzatzea (atezainak hori egin dezake baldin eta bere arearen barruan badago).

b) *Jaurtiketa libre ez-zuzen* batekin zigortuko diren faltak. Jaurtiketa falta egin den lekutik egingo du beste taldeak:

- Arbitroaren iritziz modu arriskutsuan jokatzea, esaterako, baloiari ostiko ematen saiatzea atezainak eskuetan duenean.
- Jokaldian sartuta egon gabe sorbaldarekin bultzatzea.
- Aurkariren baten aurrerapena oztopatzea baloia jokatu gabe, hau da, aurkariaren eta baloiaren artean korrika egitea edo bien artean jartzea.
- Atezainari gorputzez bultzatzea, hark baloia duenean, aurkari bat oztopatzen duenean edo area txikitik kanpo dagoenean izan ezik.
- Atezainaren kasuan eta bere arearen barruan:
  - Baloia eskuekin hartzea eta lau urrats baino gehiago ematea edozein aldetara, baloia atxikiz, bote eginez edo airera bota eta berriz ere eskuekin hartuz jokoan jarri gabe.
  - Jokoan jarri ondoren baloia berriz ukitzea, lau urratsak eman aurretik, eman bitartean edo ondoren eta
    - beste taldeko jokalaria batek ukitu edo jokatu aurretik, bere area barruan nahiz kanpoan.
    - bere taldeko jokalaria batek areaz kanpo ukitu edo jokatu aurretik, ondorengo puntuko baldintzak betez.
  - Baloia eskuekin ukitzea, bere taldeko jokalaria batek, nahita, oinarekin pasa ondoren.
  - Jokoa atzeratzeko eta denbora galtzeko bakarrik balio duen taktika bat erabiltzea, bere taldeari abantaila desleiala eman nahian.

### 5.3. Jaurtiketa libreak

Jaurtiketa egitean gol bat sar daiteke zuzenean falta egin duen taldearen atean.

a) *Jaurtiketa libreak, zuzenak edo norberaren area handi barrutik egindakoak.* Beste taldeko jokalaria guztiak, gutxienez, baloia dagoen lekutik 6 metrora egongo dira eta area handiaren kanpoaldean geldituko dira baloia areatik kanpo jaurti arte. Baloia jokoan egongo da bere zirkunferentziaren halako distantzia egiten duen une berean eta area handitik haratago jaurtitzen denean. Atezainak ezingo du eskuekin hartu baloia jokoan jartzeko berriro, eta baloia ez bada area handitik kanpo jaurtitzen, errepikatu egin beharko da jaurtiketa.

b) *Jaurtiketa libreak, zuzenak edo norberaren area handi kanpotik egindakoak.* Beste taldeko jokalaria guztiak, gutxienez, baloia dagoen lekutik 6 metrora egongo dira, baloia jokoan jarri bitartean, baldin eta ateko marraren gainean eta ateko zutoinen artean kokatuta ez badaude. Baloia jokoan egongo da bere zirkunferentziaren halako distantzia egin ondoren.

Beste taldeko jokalaria bat area handian sartzen bada edo baloitik sei metro baino gutxiagora hurbiltzen bada, bi egoera horietako edozeinetan, jaurtiketa librea egin aurretik, arbitroak atzerarazi egingo du araua bete dadin.

Baloia geldirik egongo da jaurtiketa librea egiteko unean eta jaurtitzen duen jokalaria ezingo du baloia berriz jokatu beste jokalaria batek ukitu edo jokatu arte.

*Nondik egingo da jaurtiketa librea?:*

- Defenditzen ari den taldeari bere area txikiaren barruan jaurtiketa librea adierazten bazaio, *area txikiko edozein lekutatik.*

*Zigorra:*

- Jaurtiketa librea egiten duen jokalaria baloia berriro jokatzen badu beste jokalaria batek ukitu edo jokatu aurretik, beste taldearen aldeko jaurtiketa librea adieraziko da falta egin den lekutik botatzeko, baldin eta arau haustea ez bada kontrako area txikian egin; orduan, area horretako edozein lekutatik jaurtiko baita.

### 5.4 Aldi baterako kanporatzeak:

Jokalaria batek behin eta berriz joko-arauak urratzen baditu, arbitroaren erabakiak hitzez edo keinuz gaitzesten baditu eta bere jokabidea zuzena ez dela uste bada, jokalekutik kanporatu behar da 2

- B Benjaminak
- A Alebinak
- I Infantilak
- K Kadeteak
- M Mutilak
- N Neskek

# Futbola



## ARAUDIAREN EGOKITZAPENAK

minuturako eta beste taldeari jaurtiketa libre ez-zuzena eman behar zaio, falta egin den lekutik jaurti beharko dena.

# 11KO FUTBOLA


### 1. JOKALEKUAREN ETA ATEEN NEURRIAK.

#### 1.1. Jokalekuaren forma eta neurriak.

Jokalekua laukizuzen erakoa da eta 90-120 metro luze eta 45-90 metro zabal da.

#### a) Oinarrizko seinaleak (2. irudia)

- Area handia.- Laukizuzen erako lur-azalera, 39,32 m luze eta 16,5 m zabal dena (ateko marratik hasita). Hamaika metroko distantziara eta erdi-erdian, ondo ikusteko moduan, penalti puntua markatzen da eta handik jaurtiko dituzte penaltiak. Penalti puntua erdigune gisa hartuta, area handi bakoitzaren kanpoaldera 9,15 metroko erradioa duen zirkunferentzia arkuak markatzen da.
- Jokoz kanpoko area.- kontrako jokalekuaren erdia.



- B Benjaminak
- A Alebinak
- I Infantilak
- K Kadeteak
  
- M Mutilak
- N Neskek

# Futbola

## ARAUDIAREN EGOKITZAPENAK



### 1.2. Ateen forma eta neurriak.

Ateko marra bakoitzaren erdian bi zutoin bertikalez osatutako atea kokatzen dira, zutoin horiek kornereko banderatzxoetatik distantzia berera egongo dira elkarren artean 7,32 metroko tartea utziz (barrualdetik neurtuta), eta zutoinen goiko ertzak langa horizontal batez elkartuta egongo dira lurretik 2,44 metroko altueran.

## 2. TALDEEN OSAERA. JOKALARIAK TXANDATZEA ETA ALDATZEA.

### 2.1. Taldeen osiera.

- a) *Jokalariak aktan.* Aktan talde bakoitzeko gehienez 18 jokalaria ager daitezke eta gutxienez 7.
- b) Jokalekuko jokalaria. Talde bakoitza 11 jokalariz osatuta egongo da eta horietako bat atezaina izango da. Alabaina, partidari hasiera emateko talde bakoitzak gutxienez 7 jokalaria izan beharko ditu jokalekuan.

### 2.2. Jokalariak txandatzea eta aldatzea.

Gehienez ere 7 aldaketa egin daitezke, arbitroari jakinarazita. Gutxienez, 4 aldaketa egin behar dira atsedenean eta 3 azkeneko 15 minutuak baino lehen.

## 3. PARTIDEN IRAUPENA.

Infantil kategorian, besterik adosten ez bada, mutilen partidak 35na minutuko bi denbora izango ditu, eta neskenak 30na minutuko bi denbora, eta denboren artean gehienez ere 15 minutuko atsedena egingo da. Eta kadete kategorian, besterik adosten ez bada, mutilen partidak 40na minutuko bi denbora izango ditu, eta neskenak 35na minutuko bi denbora, eta denboren artean gehienez ere 15 minutuko atsedena egingo da.

Araudiaren arabera:

- Arbitroak partida zati bakoitzean denbora jakin bat erantsi behar du, hain zuzen ere, aldaketak egiteko, lesionatutako jokalaria zelaitik ateratzeko, denbora galtzeko edo bestelako arrazoiak tarteko, bere iritziz, galdu izan den denbora.
- Partida zati bakoitzaren iraupena luzatu egin behar da penaltia jaurti ahal izateko, halakorik egonez gero.

## 4. MATERIALA

### 4.1. Baloia

5 zk-ko baloia: 68-70 zentimetroko zirkunferentzia eta partida hasieran 410 eta 450 gramo arteko pisua. Puzte presioa 0,6 eta 1,1 atmosfera artekoa izango da itsas mailan (600-1.100 gr/cm<sup>2</sup>).

Partida jokatzen ari den bitartean ezingo da baloirik aldatu arbitroaren baimenik gabe.

## 5. ARAU TEKNIKOAK.

### 5.1. Jokoz kanpo

- a) Jokalaria *jokoz kanpoko posizioan* egongo da, aurkariaren taldeko 13 metroko eremuan egonda, gutxienez aurkarietako bi baino gertuago badago haien ateko marratik. Baina jokoz kanpoko zigorra ezarriko zaio, baldin eta, arbitroaren iritziz, bere taldeko beste jokalaria batek baloia jokatzen duen unean:
  - Aurkari baten jokoa oztopatzen badu.
  - Bere posizioari onura ateratzen saiatzen bada.
- b) Arbitroak *ez dio jokoz kanpoko zigorra ezarri behar jokalaria bati* baldin eta:
  - Posizio horretan egonda ere ez badu jokaldian parte hartzen.
  - Baloia zuzenean ateko saketik, kornereetik, alboko saketik edo bote neutraletik jasotzen badu.
- c) Jokoz kanpoko arau-haustea jaurtiketa libre ez-zuzen batekin zigortuko da eta falta egin den lekutik jaurtiko du beste taldeak, baldin eta arau-haustea ez bada aurkako area txikiaren barruan egin. Horrela bada, jaurtiketa librea area barruko edozein lekutatik egin daiteke.

### 5.2. Faltak.

Arbitroak falta adieraziko du jokalaria batek aurkariaren edo baloiaren aurrean zuhurtziaz gabe, modu arriskutsuan edo gehiegizko indarrez jokatzen duenean.

- a) *Jaurtiketa libre zuzen batekin zigortuko diren faltak.* Jaurtiketa falta egin den lekutik egingo du beste taldeak,



- B Benjaminak
- A Alebinak
- I Infantilak
- K Kadeteak
  
- M Mutilak
- N Neskak

# Futbola



## ARAUDIAREN EGOKITZAPENAK

baldin eta falta ez bada aurkako area txikiaren barruan egin. Horrela bada, jaurtiketa libre area horretako edozein lekutatik egingo da:

- Aurkari bati ostiko ematea edo ematen saiatzea.
- Aurkariari zango-traba egitea eta baloia ukitu aurretik aurkaria ukitzea.
- Aurkariaren gainetik jauzi egitea.
- Aurkariari gorputzez bultzatzea.
- Aurkariari jotzea edo jotzen saiatzea.
- Bultzatzea.
- Eustea edo txistua botatzea.
- Baloia nahita eskuekin edo besoekin ukitzea, jotzea edo bultzatzea (atezainak hori egin dezake baldin eta bere arearen barruan badago).

- b) Jaurtiketa libre ez-zuzen batekin zigortuko diren faltak.** Jaurtiketa falta egin den lekutik egingo du beste taldeak:
- Arbitroaren iritziz modu arriskutsuan jokatzeko, esaterako, baloiari ostiko ematen saiatzea atezainak eskuetan duenean.
  - Jokaldian sartuta egon gabe sorbaldarekin bultzatzea.
  - Aurkariren baten aurrerapena oztopatzea baloia jokatu gabe, hau da, aurkariaren eta baloiaren artean korrika egitea edo bien artean jartzea.
  - Atezainari gorputzez bultzatzea, hark baloia duenean, aurkari bat oztopatzen duenean edo area txikitik kanpo dagoenean izan ezik.
  - Atezainaren kasuan eta bere arearen barruan:
    - Baloia eskuekin hartzea eta lau urrats baino gehiago ematea edozein aldetara, baloia atxikiz, bote eginez edo airera bota eta berriz ere eskuekin hartuz jokoan jarri gabe.
    - Jokoan jarri ondoren baloia berriz ukitzea, lau urratsak eman aurretik, eman bitartean edo ondoren eta
      - beste taldeko jokalariei batek ukitu edo jokatu aurretik, bere area barruan nahiz kanpoan.
      - bere taldeko jokalariei batek area kanpoan ukitu edo jokatu aurretik, ondorengo puntuko baldintzak betez.
    - Baloia eskuekin ukitzea bere taldeko jokalariei batek, nahita, oinarekin pasa ondoren.
    - Arbitroaren iritziz, joko atzeratzeko eta denbora galtzeko bakarrik balio duen taktika bat erabiltzea, bere taldeari abantaila desleiala eman nahian.

### 5.3. Jaurtiketa libreak

Bi kategoriatan sailkatzen dira:

- *Jaurtiketa libre zuzena.* - Jaurtiketa egitean gol bat sar daiteke zuzenean falta egin duen taldearen atean.
- *Jaurtiketa libre ez-zuzena.* - Jaurtiketa egitean ezin da zuzenean gola sartu, hau da, baloiak ateko marra zeharkatu aurretik jaurtiketa egin duena ez den beste jokalariei batek jokatu behar du.

- a) Jaurtiketa libreak, zuzenak edo ez-zuzenak, norberaren area handi barrutik.** Beste taldeko jokalariei guztiak, gutxienez, baloia dagoen lekutik 6 metrora egongo dira eta area handiaren kanpoaldean geldituko dira baloia areatik kanpo jaurti arte. Baloia jokoan egongo da bere zirkunferentziaren halako distantzia egiten duen une berean eta area handitik haratago jaurtitzen denean. Atezainak ezingo du eskuekin hartu baloia jokoan jartzeko berriro eta baloia ez bada area handitik kanpo jaurtitzen, errepikatu egin beharko da jaurtiketa.
- b) Jaurtiketa libreak, zuzenak edo ez-zuzenak, norberaren area handi kanpotik.** Beste taldeko jokalariei guztiak, gutxienez, baloia dagoen lekutik 6 metrora egongo dira, baloia jokoan jarri bitartean, baldin eta ateko marren gainean eta ateko zutoinen artean kokatuta ez badaude. Baloia jokoan egongo da bere zirkunferentziaren halako distantzia egin ondoren.

Beste taldeko jokalariei bat area handian sartzen bada edo baloitik sei metro baino gutxiagora hurbiltzen bada, bi egoera horietako edozeinetan, jaurtiketa libre egin aurretik, arbitroak atzerarazi egingo du araua bete dadin.

Baloia geldirik egongo da jaurtiketa libre egiteko unean eta jaurtitzen duen jokalariei ezingo du baloia berriz jokatu beste jokalariei batek ukitu edo jokatu arte.

**Nondik egingo da jaurtiketa libreak?:**

- Defenditzen ari den taldeari bere area txikiaren barruan jaurtiketa libre adierazten bazaio, area horretako edozein lekutatik.
- Erasoan ari den taldeari kontrako area txikiaren barruan jaurtiketa libre ez-zuzena adierazten bazaio, *falta egin den lekutik gertuen dagoen area txikiaren marra puntutik.*

B Benjaminak  
A Alebinak  
I Infantilak  
K Kadeteak  
  
M Mutilak  
N Neskak

# Futbola



## ARAUDIAREN EGOKITZAPENAK

- Jaurtiketa libre ez-zuzena adierazten bada jokalaria batek oinarekin baloia atezainari pasa eta honek eskuekin hartu duelako, *arau haustea egin den lekutik*.

### **Zigorra:**

- Jaurtiketa librea egiten duen jokalaria balaio berriro jokatzen badu beste jokalaria batek ukitu edo jokatuta aurretik, beste taldearen aldeko jaurtiketa librea adieraziko da falta egin den lekutik botatzeko, baldin eta arau haustea ez bada kontrako area txikian egin; orduan, area horretako edozein lekutatik jaurtiko baita.

### **5.4 Aldi baterako kanporatzeak**

Jokalaria batek behin eta berriz joko-arauak urratzen baditu, arbitroaren erabakiak hitzez edo keinuz gaitzesten baditu eta bere jokabidea zuzena ez dela uste bada, jokalekutik kanporatu behar da 2 minuturako eta beste taldeari jaurtiketa libre ez-zuzena eman behar zaio, falta egin den lekutik jaurti beharko dena.